

錢塘縣志卷之十九

錢塘縣知縣南樂魏嶸纂

人物 名臣

大臣之後皆稱名臣仍其舊也其中勲名節概不一而  
而要皆無忝於斯名或經濟或讜直或清介或端方  
彪炳古今燦然在目其他則歸政事文苑諸志焉志  
名臣

齊

范述曾

字子元幼從餘杭呂道惠受五經道惠曰此子必為王者師齊高帝引為竟陵王師友嘗諤多

錢塘縣誌

卷之十九

人物名臣

一

所諫爭沈約以方汲黯明帝時為永嘉太守廉平不  
尚威猛毗俗便之所部橫陽縣山谷峻峻為逋逃藪  
述曾下車開示恩信凶黨襁負而出編屬籍者二百  
餘家召為遊擊將軍郡送錢二十餘萬一無所取惟  
得白桐木火籠朴十餘枚而已吏無荷擔父老號哭  
聞數十里生平所得俸祿皆以分施及老壁立無資  
天監中卒所註易文  
言著雜詩賦數十篇

梁

杜之偉

字子大家世以三禮專門父規梁奉朝請與濟

陽江革會稽孔休源友善之偉少精敏有逸才  
七歲受尚書十五遍觀文史及儀禮故事時輩稱其  
早成僕射徐勉嘗見其文重其有筆力梁武帝幸同  
泰寺捨身勅勉撰儀注勉以先無此禮召之偉草具  
其儀及補東宮學士皇太子釋奠於國學時樂府無  
孔子顏子登歌詞令之偉撰文伶人傳習以為故事  
之偉年位甚卑然以強識俊才頗有名當世吏部尚

書張纘深知之以為廊廟之器陳武帝為丞相素重其名召補記室叅軍遷中書侍郎領大著作及受禪除鴻臚卿餘並如故再遷大中大夫仍勅撰梁史卒於官有文集十七卷

隋

褚亮

字希明博觀圖史經目不忘年十八詣陳僕射徐陵陵與語異之後主召見即席賦詩江總諸人皆服其工入隋為太常博士煬帝議改廟制亮請依古七廟而太祖高祖各一殿法周文武二祧與始祖而三餘則分室而祭始祖二祧不從迭毀未及行坐與楊立感善貶西海司戶時博士潘徽貶威定主簿亮與俱至隴山徽死為歛瘞後為唐秦王府十八學上之一高祖親格虎亮懇恤致諫帝納其言王每征伐亮在軍中嘗預秘謀有裨輔之益卒年八十一贈太常卿陪葬昭陵諡曰康

唐

錢塘縣誌

卷之十九

人物名臣

二

褚璆

字伯玉尚書僕射遂良之曾孫也擢進士第累拜監察御史裏行簪筆柱下凜然有搏擊鷹鷂之志權貴為之脅息先天中突厥圍北庭詔璆持節監總督諸將璆指授方略一戰大破之追奔逐北數十里鹵獲過當捷聞玄宗大喜遷侍御史拜禮部員外郎氣象凝挺不減在臺時

吳越

元德昭

字明遠本姓危父仔昌刺信州奔吳越錢鏐為易今姓方學文其師曰爾才可以為王佐日授以文體林鼎薦之元瓘與語謂盄曰德昭有輔弼之才吾子孫無憂矣遂掌文翰開運初用師南閩兵機細務悉以委之尋拜國相因相傲顯德初師毘陵吳程執趙仁澤送錢塘德昭憐其忠力救免死治家以孝友聞卒贈太保孫奉宗字知禮及第知通州海門縣地苦斤鹵奉宗為鑿池注甘泉人甚利之天性恬靜樂富春佳山水遂卜居焉

宋

崔仁冀

字子遷事錢徽為通儒院學士太正嘗論曰仁冀說傲曰主上英武所向無敵保族全名上策也俄

然之太宗時傲與仁冀決策納士上以仁冀為淮南節度使傲薦其才擢衛尉卿判大理寺移知撫州卒

李用和

字審禮

字審禮章懿皇太后弟也少窮困居京師鑿紙錢為業後以太后恩累遷寧州刺史上賜公使

錢用和悉用為軍費歷節度使同中書門下平章事景靈宮使以疾告未有居第詔假以惠寧坊之官第

卒贈太師中書令隴西郡王謚恭僖御製神道碑曰親賢之碑列位將相小心靜默推遠權勢論者以此

稱之

錢惟演

字希聖傲之子幼有俊才從傲歸朝為右屯衛將軍博學能文辭召試學士院以笏起草立就

錢塘縣誌

卷之十九

人物名臣

三

真宗稱善擢太僕少卿獻咸平聖政錄命直秘閣預修冊府元龜大中祥符八年擢知制誥翰林學士累

遷兵部樞密使除大名軍節度使知河南加同平章事判許州上耕籍入侍尋以景靈宮使判河南改鎮

崇信卒贈侍中謚文僖惟演出于勲貴文章清麗名與楊億劉筠相上下於書無不讀嘗曰學士備顧問

不可不該博故其家聚書牟於秘府所著有典懿集樞庭擢髦前後集伊川漢上集金坡遺事錄飛白書

叙錄逢辰錄奉藩書事諸書

李璋

字公明以章懿太后恩補三班借職積官為太平軍節度觀察留後知澶州護塞商口會河滸言

水且至璋據廳事自若人心乃安河亦不溢徙曹州觀察使累遷武勝軍節度使殿前都指揮使

忠孝李璋字并秘書賜之宴近臣瓊玉殿酒大蓋二飲韓琦及璋如有所屬帝崩執政欲增京

士璋曰例出累代不宜輕易時禁衛相告乾興故事內給食物中有金既而果賜食眾視食中璋曰天子

未臨收已優賞汝何功復云云敢喧者斬眾乃定知  
鄭州京東盜白日殺人道中瑄信賞尉擒捕盜為衰  
止歲大雨水競以船筏邀利多溺死者章一切籍之  
約所載如黃河法發卒城州西關調夫修路數十里  
夾道植柳人指為李公柳坐失舉改節振武重  
知郢州還朝道卒年五十三贈太尉謚曰良惠

**强至**

字幾聖少有志節彈心尚學至忘寒暑鄉試為舉  
首賦出四方傳誦第進士聽訟多平反不徇貴勢  
素受知韓琦琦鎮京兆常引至自助琦乞不散青苗  
神宗聞奏曰此必强至文也一日琦行一事不關白  
簽廳翌日自言不稱職力辭去琦謂小事故爾至曰  
小事尚爾何況大事遜謝數自乃肯留有文集二十  
卷子凌明淵明  
陟明皆登進士

**錢藻**

字醇老吳越王五世孫舉稅書登進士又舉賢良  
方正英宗時為秘書校理三上書請太后歸政天  
子神宗時累遷樞密直學士知開封府以慈恕簡靜  
為本遷翰林侍讀學士元豐五年卒藻刻厲為學于

錢塘縣誌

卷之十九

人物名臣

四

書無所不究見於文詞閎放雋偉為人清謹寡過立  
朝無矯亢亦無雷同處勢利淡如也卒年六十一神  
宗知其貧賻錢五十萬贈大中大夫

**錢勰**

字穆文授流內銓主簿陳襄進班簿對神宗稱其  
能將任以清要王安石使弟求見許以為御史勰  
謝家貧母老不能為萬里行安石知其不附已命權  
監鐵判官奉使高麗凡饋餼皆不納歸次紫燕島高  
麗王三遣吏追餉金銀器四千兩勰辭之吏泣曰王  
有命徒歸則死勰曰汝可死吾不可受元祐間為給  
事中三知開封府有能名宗室貴戚皆斂手紹聖初  
拜翰林學士兼侍讀勰常草章惇謫詞惇諷全臺攻  
之罷知池州卒勰與蘇軾遊最久勰守越日軾守  
杭州詩筒響答時人比之元白後入元祐黨籍

**周卞式**

字南栢元豐二年進士累官提舉秦鳳等路節  
度使王厚弟孚通判秦州主饋運司挾厚勢一  
切委吏嬉容自如役夫潰去朝廷命邦式體察劾奏  
其事不少貸提點淮西刑獄徙西浙又徙江東京師

○大行土木命市殿材邦式言非地所產遂已有施  
者從其子官金陵與羣僚會飲醉安斥宮禁事為  
警家所告邦式被命治詔  
獄止坐遠徙不旁及一人

**虞奕**

字純臣元豐八年進士崇寧中提舉河北西路常  
平洛相飢徙東路入對上問行期對曰臣退即行  
流民不以時復則來歲耕桑廢矣上悅西部盜起徒  
提刑自請討賊悉降之入為開封少尹故時開封治  
獄得請寶蔽罪其後悉任情弄法奕言廷尉持天下  
平京師諸夏本法且不行何以示萬國請自今非情  
法實不相當毋得輒請寶從之遷戶部侍郎內侍總  
領左藏予奪自顧視戶部如僚屬奕白宰相曰計臣  
不才當去之而易能者不可使他人侵其官即  
自劾不稱職詔為罷內侍卒贈龍圖閣大學士

**虞策**

字經臣登進士第調台州推官知烏程縣擢提舉  
御史進右正言數上書論事時西夏未順命策言今  
邊備解弛戎政不修古之人善鎮靜者警備甚密務

錢塘縣誌

卷之十九

人物名臣

五

持重者謀在其中未有鹵莽踈濶而曰吾鎮靜吾持  
重者又乞詔內而省曹寺監外而監司守令各得以  
職陳朝政闕失百姓疾苦會星文有變乞順天愛民  
警戒萬事思治心修身之道勿以宴安為樂哲宗納  
后上正始要言遷左司諫權給事中禮部侍郎曾肇  
以議北郊事與朝論不合免為徐州策還其命以為  
肇禮官也不當以議禮得罪不從帝親政策條所當  
先者五十六事後多施行遷御史起居郎給事中以  
龍圖閣侍制知青州改杭州過闕留為戶部侍郎歷  
刑部戶部尚書拜樞密直學士知永興軍入為吏部  
尚書疏奏徽宗請深裁浮冗以寬用度屬疾祈夕加  
龍圖閣學士知潤州卒於道年六十六贈正議大夫  
**孫馨**字叔靜年十五遊太學蘇洵滕甫稱之用父任調  
武平尉捕獲名盜數十謝賞不受再調越州司法  
叅軍守趙抃薦其才知偃師縣蒲中優人偽僧服隱  
民間以不語惑眾相傳有異法奔奏其門馨收按姦  
狀立仗辜除提舉廣東常平徽宗初召為屯田員外  
郎馨微時與京善常曰蔡子貴人也然才不勝德

恐貽天下憂至是京還朝遇諸塗既見京逆謂曰我若用干天子願助我馨曰公誠能謹守祖宗之法以正論輔人主示節儉以先百吏而絕口不言兵天下幸甚馨何為者京默然既相出提點江東刑獄未幾入為少府少監戶部郎中縣官用度無藝馨與尚書曾孝廣侍郎許幾諫曰日增一日歲增一歲天下之財豈能給哉共疏論之當國者不樂孝廣幾由是罷徙馨開封遷太僕卿殿中少監四輔建以顯謨閣待制知曹州論經始規畫之勞轉大中大夫徙鄆州邑人為草祭之謠指切蔡京馨以聞京怒使言者誣以他謗提舉鴻慶宮起知單州遂致仕靖康二年卒年八十六贈銀青光祿大夫謚曰通靖馨篤于行義在廣東時蘇軾謫居惠州極意與周旋二子娶晁補之黃廷堅女黨事起家人危懼馨一無所顧時人稱之

沈晦

字元朗邁之孫宣和間進士廷對第一除校書郎事申言者論晦雖使金艱苦而封駁之職不可以賞勞除集英殿修撰知信州高宗如揚州將召為中書

錢塘縣誌

卷之十九

人物名臣

六

舍人侍御史張守論晦為布衣時事帝曰頃在金營見其慷慨士人細行豈足為終身累耶然不果召移守婺州以論罷紹興四年起知鎮江府兩浙西路安撫使劉麟入寇世忠拒于揚州晦乞促張俊兵為世忠授趙鼎稱晦議論激昂帝曰晦誠可嘉然朕知其人膽志頗怯不為世忠所樂尋提舉臨安府洞霄宮起為廣西經畧兼知靖江府設方畧招誘諸酋喻以威信皆詣府請降不復犯邊在郡歲買馬三千匹繼者皆不能及進徽

猷閣直學士卒

錢卽

字中道吳越王諸孫也第進士為睦州理部使者命治獄衢州啖以薦卽曰吾寧老冗選中豈忍以數十人易一薦乎至則平反之徽宗召對問曰靈武可取乎對曰夏人去來飄忽不能持久然其民皆兵若不糜飲食動不勤轉餉願勅邊臣先為不可勝以待釁庶可得志帝曰大砦泉可取乎對曰是所謂瀚海也臣聞其地皆鳥鹵無水泉或以飲馬則口鼻皆得之無所用帝然之知慶州築安邊城歸德堡包

地甚廣... 其中歲得粟數萬石... 然即抗章... 亦寤卒贈金紫... 光祿大夫謚忠定

**沈文通**

名遵，犯高宗，繇名以字行。祖廢，補廢部。其初

沈州，遷吏部郎，居母喪，廬墓，則無何，事文通，事... 讀書，閱輟釋道，達世務，治沈，勤奸，蠹，賢良，後... 開封人曰：此杭州沈公也。政號嚴明，于良善，負... 弱者，撫恤尤至，為文下筆，立就有西溪集十卷。

**樊光遠**

字茂實，少從張九成學，紹興初，南省奏名第一，

除秘書省正事，上疏言事，與秦檜忤，罷為閩州... 教授，後召為秘書丞，俄引對，言頃年大臣挾權，修怨... 不平，其心臺諫之所排擊，法寺之所鍛鍊，告訐之所... 甲傷其間，并有因責降而死者，子孫無一命之祿，宜... 許令自陳，與復官職，錄其子孫，上曰：善。知嚴州，又疏... 禁誘畧，近郡平民為軍，及本州歲輸... 御爐炭而不償，民間之直上，亟罷之。

錢塘縣誌

卷之十九

人物名臣

七

**趙希館**

字君錫，舊名希喆，慶元初，登進士第，賜今名，少

儼冠義而去，為汀州司戶，峒寇李元，張甚，希館倡... 守古城，關嚴兵，以待賊，無一免，知玉山縣，未行，召對... 首言民力困于貧，吏軍力困于債，帥國家之力，則外... 困于歸附之卒，內困于浮冗之費，又言今日多事之... 際而未有辦事之人，朝紳清選也，以緘默為清重，以... 刻薄為舉職，以無所可否為識體，闕寄重任也，以大... 言為有志，以使過為知恩，臣非敢厚誣天下，以為無... 人患在選擇，未得其道，器使未當其才，爾上皆嘉納... 官至節度，居官，祁寒盛暑，未... 嘗謁告衣食，取裁足而已。

明

**沈縉**

字尚賢，洪武乙丑進士，授工部屯田主事，

**十敬**

洪武庚午領鄉薦，歷御史春坊，至... 江西方伯，才能著稱，士林咸重之。

**方賓** 洪武中由監生授職方主事永樂初歷兵部侍郎  
其子侗鴻

臚寺丞

**蔣驥** 字良夫弱冠領鄉薦中洪武庚辰科進士授行人  
美丰儀善詞令累官翰林院檢討司直進侍讀侍  
講學士與修太祖成祖仁宗實錄及永樂大典等書  
多所裁定方其在史館時嘗得罪下獄十年乃得釋  
終禮部侍郎宣德中賜葬  
賜金倍常數皆異恩也

**胡楨** 洪武八年由御史授陝西按察司經歷十二年陞  
刑部郎中十四年陞本部尚書歿  
之日家無餘資惟藏書數千卷

**張昇** 字仲高弱冠為郡吏即以清謹稱守以下咸禮遇  
之勤視簿書取嚴一介諸為奸利者皆敬憚洪武  
間謁選超授吏部員外郎矢志堅貞終始無玷  
及卒上察其廉特給驛舟遣內臣送柩還鄉

錢塘縣誌

卷之十九

人物名臣

八

**吳登** 永樂初以文學薦擢給事中小心鎮密受知文廟  
日侍宸翰退朝不交妻子一言近親至經歲不相  
接上益信之  
終鴻臚寺丞

**孫子良** 洪武間貢入太學永樂進士選庶吉士與修大  
典拜武選郎成祖北狩尚書方賓從行子良以  
郎曹攝部事鈐制屬吏同列滋不能平羣口交妬謫  
交趾布政司使夷俗素不喜學子良善道誘之漸濡  
德教多有成者洪熙初薦起仕至  
叅政少善學詩所著有螺城集

**徐琦** 字良玉祖德富茂寧夏而生琦天姿英毅耽經  
史至忘寢食中興西鄉試登永樂乙未進士寧夏  
之有進士自琦始也授行人遷兵部職方員外郎宣  
德間黎利倡亂廷臣議撫之擇庶僚有才望者以行  
擢琦行在右通政持節往諭既至利拜命畢遣人議  
相見禮琦曰吾奉上命至爾首盡禮使者歸所以  
爾廷爾何庸議利聞即趨拜下坐所命使臣  
建還兵部右侍郎未幾上獲琦琦歸



抗拒王師之罪并定歲貢常例至則利死... 疑未服琦宣布朝廷威德曉以禮義示以禍福... 疎聽無不帖服由是感戴上恩乃鑄金人一以代... 躬謝仍備方物遣陪臣以進闕臣廷上大悅宴饗特... 厚遂命落琦戎籍蓋與數也進南京兵部尚書叅贊... 機務留守南都二十年深沉果斷每臨大議眾論盈... 庭徐以一言決之眾

潘中

字大本永樂甲申進士授楚府伴讀骨梗負氣不... 依阿詭隨同列皆敬憚之一官三十年以直齟齬... 終無變屈既歸家法嚴... 整閨門之內肅如也

夏時

字以正永樂戊戌進士授戶科給事中洪熙改元... 議改鈔法時力言其擾無裨國用已而泉幣大阻... 民輒犯禁議竟寢宣德初一日三上封事稱旨命署... 尚寶司兼吏禮兵刑四科事身親七篆綜核靡遺事... 無愆滯六年查浚湖冊陳便宜十四事至今行之擬... 江西按察司僉事進叅議以大臣會薦超擢廣西左

錢塘縣誌

卷之十九

人物名臣

九

布政使前後所上又十餘疏皆國家要機事雖不盡... 見信用議者偉其敢言年未七十致仕歸卒平生潔... 廉好義篤孝二親及親歿廬于墓次哀號不輟致烏... 巢芝漶之異鄉人重其德行建祠祀之題其祠曰孝... 廉魏文靖李文... 忠各為之立傳

柴車

字叔輿清慎有節槩天姿秀敏永樂間由鄉舉至... 兵部員外郎從文皇帝北王為岳州知府勸農視... 學周行田野督民耕桑進諸生講論道德郡內大治... 召入為職方司郎旋擢本部侍郎屬西鄙不靖協贊... 陝西軍務發副總兵劉廣失律及疏罷士官後能家... 人冒功陞賞章凡數十上切中時弊同列咸不喜而... 車持論益堅于時上察車忠大賢之宴勞賜賚... 厚尋進兵部尚書卒于京賜祭葬給驛歸其喪

魏驥

字仲房永樂間鄉舉明年為松江訓導汲汲成就... 人才諸生讀書學宮或夜携茶粥勞問令以真知... 實踐為務人人感激自奮滿九載諸生詣闕乞留令... 還教三年召修永樂大典累官至吏部侍郎

王振驕甚每出雖部堂尊官亦飲與避  
日上御便殿召驥入曰爾有罪知乎驥曰臣久  
得罪天地祖宗朝廷甚多上曰第志在自衛非  
否驥曰昨臣嘗遇奄振揖而過未得罪也上曰  
避之驥慷慨曰臣備位六卿而行避人臣不  
廷名器足惜也上改容曰爾言是也尋陞  
尚書年七十七致仕嘗至京師大學士陳  
士謁驥願少待驥曰君為輔臣宜為天下  
得私謁座主家居二十年布袍糲食不別  
事其兄驥愈恭成化間遣行人存問賜羊  
三石驥病道  
文靖

### 王琦

字文璣永樂鄉舉擢御史虛心聽斷及督學山西  
敦行實士習防觀憂去服闋改蜀兵憲尋乞歸歷  
官三十年守嚴一介家居衣食不給太守胡濬列狀  
於朝詔賜百金琦以無功辭竟餓死當道義卹以歛  
蔣琳字廷振驥子宣德間以父任歷官郎中從大司馬  
靖遠伯征討西至甘涼南踰隴川運籌決策屢有

## 錢塘縣誌

### 卷之十九

人物名臣

十

戰功擢至副都御史為人果決清介喜於立功任氣  
敢往奉官執法萬夫莫迴於人之喜怒身之禍福不  
計也當巡撫貴州號令精明威望振肅藩臬大吏悚  
然憚之草塘焚叛官軍屢有挫衄莫敢議討琳至獎  
率士伍親履行陣田是吏士用命戰氣自倍長驅賊  
巢擒斬無算諸爨震恐然以捺法嚴急為怨家構死

### 陳嘉猷

未進士  
刑科給事中  
轉刑科  
兩使外吏

餽獻清風鼓節夷酋皆敬仰之陞通政使  
通政居父之喪哀慕不輟極盡誠孝

### 吳誠

字尚忠景泰進士累官副都御史巡撫湖南  
卒于官所歷皆有政績為人孝友誠確  
言人過

### 金紳

字縉卿洪武初以闕右實京師遂家金陵之上元  
刑科給事中英廟復辟紳數召對寵待甚至憲宗崩  
位進都給事中首率同列論都指揮門達竊弄威柄

又言都御史王竑剛毅直諫刊任大事宜即召司  
納其言達遠謫起竑兵部尚書陞南京大理少卿  
決無滯雖老吏不能過嘗曰獄者人命所繫煙楚之  
下何求不得彼不能伸于法司而求伸于我我又下  
爲之理何用廷評爲故凡經紳平允者咸無異詞在  
大理九年如一日秩滿陞南京刑部右侍郎月躬視  
獄者再戒飭其屬俾無法外施刑審錄重囚必對衆  
言其可矜其可疑得生者甚衆戊戌江西荒上特簡  
紳往視許便宜行事紳蒞部督責其屬勸與廢以賑  
江西十三郡之民賴紳以活未幾得疾卒年四十有  
九侍父家居者二十年時人榮之平生儉約一無所  
好惟好讀書自號雪心所著有雪心稿青瑣獻納稿  
若干藏於家

**倪謙**

字克讓徙上元正統中進士第三人授編修景泰  
間備顧問多所啟沃天順初遷學士侍憲廟于春  
宮已卯主順天試不錄柄臣子被誣搆謫戍宣府者  
七年宣德初復職尋與子岳同日奉命入史局修英

錢塘縣誌

卷之十九

十一

廟實錄進禮部侍郎轉南京禮  
部尚書卒贈太子少保謚文僖

**于冕**

字景瞻少保謙之子景泰初以父功廕府軍千戶  
及謙被譖死冕坐謫龍門屢上書訟父冤憲廟問  
事白加謙官謚因復冕官冕請改文資授武庫員外  
郎歷陞應天府尹致仕冕聰明特達善處興廢既邁  
家難放徒窮邊而能閉門却掃以讀書纂言爲事故  
雖羅憂患疾疚而聲聞不墮後起謫籍官兩京所在  
以修謹稱蓋無媿名家子云

**倪岳**

字舜咨父謙奉命祀北岳時夫人感異夢而生因  
以爲名體貌豐頰目光炯炯望之若神幼警異絕  
倫上承家學習聞先朝典故究心天下事天順登  
進士選庶吉士授編修同父修實錄直講經筵音吐  
洪暢善因文納誨憲廟屬目焉擢侍郎尚書左禮部  
十三年儀文制度多所擬定革洛祠正神崇嘉際  
止胡僧請度却西域貢獅諸疏皆出手筆累知貢舉  
損益舊法遂爲令甲善斷大事其議德祖爲不遷廟

議孝穆太后宜建別廟及七十二子不宜更定皆合  
萬世公議適留都事屬危疑岳為大司馬持正達變  
事類以定入為吏部尚書獎恬抑浮士論稱快卒贈  
少保謚文毅居父喪哀毀過度盡以世業讓諸弟念  
故舊恤困窮雖奕世貞顯囊無餘

**沈敬**

字克欽正統進士授兵部主事景泰末謫戍遼陽

甚眾計處榆林饋餉供用不乏轉廣西布政使時田  
州黃明倡亂敬受督撫檄統眾征勦大致克捷觸險  
乘瘴深入賊巢竟

中毒死官其子琦

**李旻**

字子陽成化間鄉試廷對皆第一授翰林修撰歷  
官坊上疏終養不許官至南京吏部侍郎長身修

髯才識高邁其學無所不窺善談議每發言如倒峽  
懸河四坐傾聽為司成時教範嚴肅家吳山下環堵

蕭然不屑  
治家人業

錢塘縣誌

卷之十九

人物名臣

三

**洪鐘**

字宣之成化進士授刑部命審處江福流賊歸言

東之程鄉皆流移雜揉習于鬪爭故易亂難治宜及  
其平時多建社學以訓子弟銷兵器以詩書禮義馴

擾之為四川按察使蒞獄明敏犴無留繫遷副都御  
史巡撫順天雲南貴州督漕兩淮皆著聲績掌南京

院事刑工二部尚書左都御史加太子少保賜玉帶  
出總川陝湖河四省軍務時沔陽賊出入洞庭轉掠

城邑川陝間遠近騷動播州楊宣慰兄弟讐殺流劫  
重慶保寧皆運奇剿平朝廷七降璽書獎諭賜白金

麟服進太子太保堅辭不獲乞歸章七上鐘狀貌  
魁傑目光朗秀論議英發善計天下事卒謚襄惠

**徐潭**

字汝容敏之子弘治進士歷官湖廣副使兵備辰

其人賂代事者竟得縱而潭反被深文名罷歸囊橐  
蕭然居無華堂出無輿從性耿介好義赴親交之急

輒傾貲空  
賈弗渝也

陸溥

字原溥正德進士授職方主事累官陝西參政稱

難溥因事籌畫動中機要司馬卿倚如左右手疏

奏皆屬焉劉瑾之誅也連坐者不下數千人溥白于

上原之又覈京營諸兵馬素遊于豪右而擊其甚者

溥乃盡括之武廟南巡與諸省郎伏問之留不報世

宗登極詔復先朝評臣賜一假溥有負固者溥出

奇兵掩擊之直溥數百人遂以其地為陝

錢宏

字可容正德進士授職方主事累官憲副在山東久擒

江縣赴陝西至靈州年十四有五

災所全活萬人官至都御史督兵南贛建趙清獻文

信國二祠為人孝友歲租所入分逮姻族人高其義

施魯

貫仁和為荆府長史正德五年荆王疏魯賢請增

秩四品劉瑾憖之矯奪管官勒歸故郡瑾伏誅有

詔徵魯復用魯不應召遂終老于家無一畦尺椽之

藉東西僑賃不常非其義不受也嘗有書生餽粟三

十斛求冒魯族魯曰余惟不為冒昧之事以至于斯

固却之時方絕糧處之宴如也竟藜藿不給而死

錢塘縣誌

卷之十九

人物名臣

三

胡世寧

字永清為昌化諸生家貧力學志節清峻長益

百全寧以浙右飢以其半留賑飢受五十金及舉進

士為德安推官陞南京刑部主事歷郎中與李承勛

魏校余祐友善相切磨問學時稱南都四君子弘治

十八年春詔求直言條上十事出為廣西太平知府

太平遠惡領上官世寧訪接以禮不擾一錢翁然帖

順檄創壺關萬夫畢集工費數千金皆士官辦納不

數旬關成太平州李濬濬刑撓法莫敢詰也寧密受

方畧龍英士知州趙元瑤擒濬來獻元瑤者濬外兄

也先是士官世及輒展轉結勘索賂士官以故怨叛

益輕中朝士人世寧令士官生子即聞府子弟應世

及者朔望皆携之見太守太守為識年數狀貌父兄

有故按籍為請官于朝士官大悅服內艱歸士人走

送者數萬服闋北上過滄州會流賊攻州世寧入城

為州防守賊攻不能破去補寶慶知府清儉節約公

兼有威藩府人不敢忤盡平其賦役寧廢人有逆諱

世寧上奏曰平賊之策惟勸與撫今素無定見恩威

割施賊益無忌惟奮撫者不勦新叛者不撫再起必撲滅于微持此三端則治安之效可尋前時之亂可息最可憂者禮樂政令漸不自朝廷出寧王德誠多才豈有毫髮過議但內外臣僚輔導之法完溫詔戒諭賢王益從謙順遠避嫌疑仰遵祖訓止治國內官僚毋得交私罔上狗情廢法該府更宜嚴戒官閣恪守禁例凡遇王府發故事務必須奏准方許奉行庶幾小民有再生之望地方無意外之虞宗室有磐石之固九重紆南顧之憂疏上宸濠大懼徧賄權奸坐以誹謗妖言離間罪必欲殺之以絕言者先是世寧已陞福建按察使會寧乞休歸編遣克徒襲世寧索之甚急會李承勛為浙按察使匿世寧使變姓名間道歸命京師得不死下錦衣獄獄中三上書言江藩之逆而兩京言官並疏論救竟從末議謫戍瀋陽居四年宸濠果反始起謫籍除湖廣按察使隨擢僉都御史巡撫四川聞羣臣伏闕爭大禮得罪又疏言羣臣心欲効忠詞乃過激乞開釋消除以圖治安召為兵部左侍郎陳邊備二十五事尋以病乞改南京

錢塘縣誌

卷之十九

人物名臣

十四

吏部侍郎未幾擢南京工部尚書以左都御史召改刑部尚書轉兵部尚書加太子太保力辭至三疏言外寇方強內憂日甚天下之人闕然皆無忠義之氣上定武畧崇憲職重將權增武備更賞罰馭士裔足邊儲絕弊源正謀謨惜人才十事要說時安仁倡言太平勸上銷兵興禮樂世寧又特疏申論武畧人才二事上知其忠鯁促上任世寧議棄哈密不可勞中國奔命小邦閉關絕貢又上武備人才邊儲三事已而引疾力辭竟去逾年又召為南京叅贊機務兵部尚書辭不起嘉靖九年九月端坐而逝贈少保謚端敏世寧樸壯才雄優于經濟澹泊寧靜清素不淆席文襄稱其論事如結舌草奏若懸河邵康僖稱其疾惡如讐善如己有以忠孝大節自矢即勉人有奏議若干卷行于世

張瀚字子文登嘉靖乙未進士第釋褐南工部都水司主事歷員外郎出知廬州府甫下車即葺宋包肅公祠治廬一倣孝肅故事先教化而後刑罰其治大名也一以治廬者治之庚戌函簿都門詔遣司馬郎

一人持節徵四郡兵入衛瀚聞報以募召遊食飢附  
飽颺不可用披所屬編籍選丁壯二十之一得精銳  
八百人瀚首請使者閱師使者焯然曰何速也比閱  
師則人人精銳絕出望外銓部察瀚兩郡循吏陞陝  
西按察司副使備兵潼關歲祿大發粟所活數千萬  
人累遷廣東四川福建參政轉山西右轄尋除陝西  
左轄踰年以都察院右副都御史出撫陝西瀚數歷  
久熟諳西事固原防秋期滿當撤戍瀚謂須冬防兵  
至乃撤不旬日吉能蹂水入犯防秋兵出擊之斬馘  
五十餘陞大理寺卿時終南山飢民嘯聚當事者議  
勦瀚謂此屬迫于飢耳檄郡丞單車諭之即日解散  
入赴大理多所平反陞刑部右侍郎改撫兩廣時嶺  
南寇賊充斥曾一本楊子亮等各擁眾數千瀚悉平  
之新鄭入相起撫陝西尋陞南京右都御史再進工  
部尚書時太宰楊襄毅病免廷議推擇三人毀瀚名  
以聞上謂瀚聞望素著超次特簡毅然以正百僚為  
已任私交請謁一切謝絕務在崇實政遴真才一時  
銓路為之清肅上愈重瀚考績加太子少保江陵喪

錢塘縣誌

卷之十九

十五

人物名臣

父不解政忽傳中旨眷留令吏部往諭江陵亦自為  
牘風瀚使留乞曹郎請覆議瀚若不諭其意者謂政  
府奔喪當以殊典卹之宗伯事也何關吏部江陵復  
令所善客說瀚弗聽已有詔切責謂瀚奉諭不謹無  
人臣禮于是廷臣惴慄交章奏留翰獨撫膺太息曰  
三綱淪矣江陵益怒嗾臺臣首劾瀚省臣繼之遂奉  
旨致仕瀚北面稽首曰臣髦不能任國事然寧負相  
君不敢負陛下辭歸與同郡縉紳年踰耆宿者二十  
餘人徜徉山水間觴詠談嘯論者以為不減香山洛  
下云江陵敗上念瀚舊德詔所司月給廩廩之存問  
如令甲年八十四終訖  
聞賜祭葬謚曰恭懿

金學曾

字子魯嘉靖戊辰進士授工部虞衡司主事內  
管庫鑰出權荆關俱以水蘗稱晉邵水司郎中

志河張秋改禮部精膳司郎中出督楚學時江陵所  
飭學政以功令奉之矣其法首禁講學次汰生徒皆  
務一切摧抑之術以為切磋磨礱道將在是而曾獨  
不以為然所頒教約首令講學曰學不講則師與弟

所崇何業其他如賑卹之周銓補之速凡所以休  
士氣者無不至而于江陵所申飭則大徑差矣無何  
而奪情之事起曾曰是可令楚士見也身爲楚之先  
爲十揭以上江陵江陵不之省遂欲投劾歸而適有  
滇南參知之命未幾楚按朱璉之彈章上矣曾喟然  
曰吾固待此久矣自日歸築別業西湖之浹日奉封  
公杖履爲詩酒遊江陵尋歿臺省交薦補閩臬仍鐫  
秩爲僉事其所司者則屯鹽也二法閩人至今賴之  
遷江右兵備副使時江右歉飢民多揭竿稱亂巨室  
往往以擒勒其流民入城殍死巷陌者至不勝埋  
曾日夜含涕求所以散萑苻緩須臾死者乃榜諸衢  
曰朝廷惜飢民不惜亂民其急歸里甲以候賑濟者  
爲飢民其搶攘道途終不歸里甲者卽亂民亂民行  
且斬矣乃急趨令躬入里甲家喻而戶曉之差等其  
所宜貸而人授一籤隨勅他吏裹糧負錢以從而驗  
籤給貸籤行若流水而錢米之屬不脛而遍一時之  
飢瘡寒亂者亦塞矣他巡道或議駢斬亂民八十人  
者曾爭曰民聚求食詎曰亂乎卽以斬八十人聞上

錢塘縣誌

卷之十九

人物名臣

十六

上驚非常必不許無爲也他巡道乃止量移湖廣布  
政司叅政湖南之寶慶時旱流殍載道至省卽發廩  
賑之次褫墨吏次誅豪蠹次告糴隣郡次講義倉積  
聚凡可以造福地方者無不以身殉之績最晉都察  
院右僉都御史奉璽書節鉞鎮撫閩閩固魯營所撫  
循知其疲而倭方蹂朝鮮南北驛騷曾乃簡戎器治  
餘艦練士補伍海備一新策倭所出沒多在澎湖乃  
建塞置戍以遏其衝倭初至令急擊自是倭不敢輕  
犯閩未幾以小事失直指意竟有冒餉請覈之疏明  
年代者爲張御史應揚復疏申理始奉旨准銷而曾  
之深謀巨伐竟無有白之者請代疏凡五上始得歸  
一入里門卽以韜身名教子弟回風俗明正學爲事  
干牘不入公門而事關地方利病者則不惜屢屢  
言之卒年七十有九有司以聞賜祭葬恩蔭如例

高儀

字子象嘉靖進士二甲第一由庶吉士經編修官  
禮部尙書引疾歸加太子少保繼以前官召起教  
庶吉士侍太子講讀文華殿未幾進文淵閣大學士  
一月卧病值莊廟大漸強起受遺命培劇卒贈太子



太保謚文端儀凝重坦夷不爲矯激行而風節凜然  
初入史館柄臣多方羅致儀獨抗顏不下乃久不  
後來者皆躡其上儀處之燕如也及柄臣解政稍  
進用莊皇臨御郊見耕籍學諸大禮皆倚辦于儀  
建議二后不宜並附中官不得與朝議請復駙馬  
景和封爵釐大臣謚儀謝中貴請囑疏諫上南苑遊  
幸及選女採玉取光祿羨銀等事皆人所不敢言朝  
論偉之有一男子自南宮中門入口稱爲孝烈后子  
衆相顧莫可誰何儀叱從吏收縛竟得其詐人以方  
雋不疑儀始生時父夢于肅愍公儀長益自負庶幾  
古社稷  
臣矣

許嶽 字子峻登嘉靖庚戌進士第釋褐工部主事歷郎  
中出理九江蘆政一清擢河南按察司僉事備兵  
穎上時倭寇維揚揚非所轄地也當事以嶽才檄以  
戰守事嶽立至危城簡丁壯授甲登陴命老弱傳殮  
躬率戰士出奇破賊賊初遁去而危城完先是城門  
書閉民避寇至者號呼不得入嶽親立馬城門下闔

錢塘縣誌

卷之十九

人物名臣

七

右而闕其左令民魚貫入入甫畢而賊至得免於鋒  
簡者數萬計搆誣謫沔陽州同知稍遷岳州府判岳  
城爲江水所嚙築輒圯十餘年不就及嶽董役圯如  
曩時嶽呼天而泣曰三築不就請身葬江魚以謝百  
姓夜若有人語之者曰亟穿井城中以滙激湍城宜  
就嶽如其言不踰時而城成治爲三楚最轉荊州調  
德安同知補廣西柳州徭獞入犯懷遠戕殺官吏全  
粵震動時議募兵大勦嶽乃奏記當事諸將旌以嶽  
所上方畧進取屢戰屢捷賊大潰斬首二萬餘級功  
上天子嘉說欽賜帑金移梧州陞廣東按察司副使  
飭兵瓊崖瓊崖居海島中颶颳藜藿與人民鉅尾聞  
乃狺突爲患而大盜李茂者攻椎剽橫行閩浙聞嶽  
乃撫而用之郡縣悉平尋疏上乞骸骨予告歸外臣  
無予告者蓋異數也嶽旣歸築室西冷之側日肅咏  
其中大吏造請至門不見亦不報卒年七十有  
一所著有朱陸同源道德解蒙莊忘言等書  
孫繼魯 字道甫高祖繼賢以太學生言事謫戍雲南右  
衛遂家焉南中孫氏自賢始魯已卯舉於鄉登

祭未姚涑榜進士出知湖廣澧州因事改國子助教  
以經學著歷戶部郎中擢守衛輝會與賊寇  
禱於天蝗害除而大雨隨應民以為神當路特薦  
知淮安中官奉命織造江南道經淮水大作成  
阻之遂搆疏於朝逮詔獄時執政者力護無事  
魯出弗謝遂調知貴之黎平擢湖廣提學副使陞山  
西左叅政分守薊南強藩斂戢尋陞山東按察使士  
民擁馬首不得去而宗藩百餘人以其持法銜之謀  
挾焉解其裝惟敝衣履無囊金眾愕然曰我高皇帝  
御宇迄今百七十餘年罕見此官乃相率載酒追於  
郊至晉持法益堅凡王府橫暴弗靖者悉置之法擢  
陝西右布政使晉提督雁門等處兼巡撫山西右副  
都御史文經武緯譽望重於一時會有西陲之役持  
論與總督不合竟被誣下錦衣獄先是陝西御史楊  
爵在獄中無楮具以破破劃壁倡和百餘詩名破碗  
集知魯者以百口保之山西有宗藩抗疏救辯即前  
解裝肆挾者也魯方讀易獄中進退存亡付之一編  
而執政咄之不已竟疽發於背卒年僅五十朝野聞

錢塘縣誌

卷之十九

人物名臣

六

而京之還墓先瑩之次隆慶改元言官請曰原任山  
西巡撫副都御史孫繼魯特死非辜深為可憫乞賜  
褒錄制曰可贈孫繼魯  
兵部左侍郎謚清愍

吳玘

字汝瑩舉嘉靖癸未進士拜行人司行人父士寧  
三娶無子年五十有七始生玘為僉事飭兵嶺南

蒐士卒立保伍明法令察盜所出入根披苗薈境以  
大寧連寇作督師征之殺降過當而清遠峽以險阻  
多盜發卒六百人鑿山三十里為梁二十有一舟用  
得挽以濟為副使籍民舟之賈於海者什伍為綱紀  
約寇至共擊之私去為盜者眾發之不發與連坐海  
寇頓息縣吏嘗植柑分巡解中間遺玘玘曰此官物  
吾不可以私盡易錢輸之庫母周病痢割豕肉和藥  
以進痛父以食芋邁疾終其身不忍食芋官游四方  
必奉像櫛懸之祭則展拜以泣病不能言數引手上  
指像忽自墜其僕曰得非欲奉以行乎玘之而遊年  
六十有三初玘之至嶺南也勤於其官按行郡邑觸  
冒毒瘴遂患癘比為叅政會天子有事安南治益勤

既疾革猶日命吏抱文書置榻前計閱之故以肅卒

姚良弼

字夢賢父鉞有隱德江文昭為銘盛稱其孝義良弼舉嘉靖乙未進士授南刑部歷知府

有廉幹聲監司邏士人常欲寄府藏不許怨之請河南運同尋轉知惠州滇海險阻盜不時起置縣議民賴以安已擢雲南憲副備兵曲靖平雷益東川亂有功柄臣責賂不得遂罷其官性廉介不問生產事異母兄甚恭撫子共食四十載幾無以殮

江鐸

字士振高祖叅政玘曾祖尚書瀾祖侍郎贈尚書曉父提學僉事圻也江氏世籍仁和主鐸為錢塘

諸生隆慶庚午舉于鄉萬曆甲戌成進上下父親服除授刑部主事累官至山西叅政備兵易水晉按察司當是時蜀有播人楊應龍之事滇楚騷動朝議偏界黔楚聞思得才能重臣伏鉞鎮之遂擢都察院僉都御史開府偏沅得專征伐偏沅去易四千里欽限一月履任時軍府創設兵食俱無所抵鐸慷慨疾驅

錢塘縣誌

卷之十九

人物名臣

九

奮身攘臂將以師期請鐸曰賊倚險阻以老我師勝則長驅不勝則伏叢箐中伺我怠則彼奮卒難圖也計惟以速勝之不蓋難將益張師次黃沙圍分軍為兩翼一軍白泥一軍龍泉夾攻板角關破之再進破瑪瑙長坎保子等圍即奪苦作關進克趙生圍遂入三渡關乘勝及海龍圍海龍于諸險中為最賊負隅以拒王師是時暑雨山谷中多重嵐毒霧賊窟處無定而我師以深入餉難繼為疑鐸曰賊可盡也而憂餉餉在于我乃改長運為接運每三十里設一營置運卒數千為轉運法前運未行後運已東載而待乃殉于師曰士不苦飢不用命有國法在榮主除暴驅殘係此舉矣士皆踴躍聽命援桴鼓之以六月六日奪青龍壘應龍繼死俘賊親黨二千餘人斬首六千九百餘級露布以聞是役也師不貽勦食不淹久剪方張之寇除意外之憂天子下褒獎以慰勞以母艱將告歸會皮林八洞諸蠻又起勦以爲擾日久勉留鐸以勝兵應之鐸薦梁方伯吳汝察以自代不可不得已旋軍龍陽語諸將曰皮林外有衛內

有險苗營窟甚固非先以文告解散其黨渠魁未可  
授首也于是下令禁妄殺行招撫明賞給慈進  
元州次靖州命大將陳璘以勁卒衝其中堅別奇兵  
縱火攻之一鼓破龍岩賴洞潘老諸寨再破特洲  
老皇甘坤諸山入讎皆克之皮林蕩平詔班師而鐸  
遂以積勞成疾卒光楚經刑部事徵更重足不  
敢舞文有以玉帶寶鳳屬者威屬匿之而以盜告鐸  
探得其情立而責其僮曰限汝三日出帶不出帶汝  
死杖下已如期出錦衣帥獲盜七人當死鐸察其寬  
比輕律帥者江陵里人江陵為調音法司不得異同  
鐸曰如此安用法司遂請歸鐸所至皆立聲跡而出  
鎮甫兩年平兩大寇為最卒贈兵部右侍郎廕一子  
世卿世襲錦衣衛指揮僉事世卿子六人內元禧  
子長俱世襲元禧子靖思廕任廣東翁源縣令  
洪瞻祖 字詒孫號清遠太子太保鐘曾孫也萬曆戊戌  
進士選翰林庶吉士已為兵科給事中烏江當  
貴播之界南岸則烏江關循江而下北屬播南屬貴  
水西稍侵界土總督王象乾責水西退出所侵地欲

錢塘縣誌

卷之十九

人物名臣

三

以為功瞻祖謂安氏二百年來與流官無異其兵則  
勇剋諸苗其人則憊而戀主其地則滇南門戶督臣  
何故爭之且沙溪撮土所爭幾何全播之間得不償  
失智者不為也神宗以兵科議是會延綏總兵麻承  
恩陳璘納賄兵部尙書有所改授瞻祖疏劾本兵通  
賄私污廷議首輔沈一貫不能庇皆得罪去由是羣  
小側目中察典已補嘉定承久之擢南行人副山行  
人歷擢右都御史巡撫南贛時閩廣黠賊匿深箐中  
官軍多失利瞻祖曰斯豈偏裨事哉檄諸郡兵分路  
合勦身歷蠻瘴中越贛渡汀冒矢石執桴鼓斬賊衆  
了婆等一千一百七十餘人煨員子山等三十餘巢  
奪還男婦牛馬器械無算四省合奏其功爾瞻祖已  
乞骸矣家居四十年卒子吉臣崇禎癸酉舉人吉暉  
萬曆戊午舉人早卒吉臣至

國朝為德安

府推官

宋應昌

號桐岡方面紫髯日閃閃如電以進士守絳州  
未幾倭寇關白率六十六島之衆破朝鮮言

內犯京師戒嚴詔拜應昌兵部右侍郎經略遼東保定等處防海禦倭軍務時總兵官李如松馬寧夏未至兵食皆未備詔書警備至應昌鑿空支吾不兩月部署出關會兵於衛書平方議西討遣游擊沈惟敬往平壤宣諭要德退兵平昌應昌曰我奉命討賊知有血戰耳汝母以身試法即誓眾踏冰渡江惟敬執款議如初應昌繫之軍中議討賊益急春正月兵薄平壤平行長築飛樓鑿墻穴守牡丹峯相犄角應昌門其三門外布蒺藜火器齊發毒烟蔽空軍士攀附而上諸門盡破行長遁阻王京行長之遁也大將軍輕其屢敗走探地形驟遇重圍大將軍殊死戰援兵復至倭始退是時王京聚倭號三千餘萬且當八道之中倭不退朝鮮不可復也應昌知王京城南有龍山倉朝鮮兵食所積以資倭倭必不退夜令死士以明火箭燒之十三座俱盡倭棄王京去遣兵追擊至南原又追及晉州倭乃遁還熊川西生浦是役也索圍王子陪臣宮眷百餘人

斬首二千三十級克復平壤開城王京還故地二千五百餘里戰勝之後拊恤傷殘招歸脅從仍分前兵屯守太丘南原慶州等處移檄國王斬璽挑濠築關置候善之宜甚備即宿將不能易也

葛寅亮

字肥瞻萬曆庚子浙江鄉試第一辛丑成進士授南禮部儀制司主事遷祠祭司郎中疏請修

令貪污者印緩使之去漑田平糶所活以萬計時稅璫據湖口橫甚擾民亮廉得不法事捕治不少貸璫歲亮幾中以不測亮終不顧創匡山書院以祀陽明學乞休痛切言之起福建某官濬河開閘日多行泥淖中指畫廣狹深河成稱葛公河尋遷大司政乘公矢慎一如督楚學政時陞南北鹽課與司農采英奇晉文為之一變陞通政使大理寺司農卒年七十七亮貌不踰中人雙眸炯然容矚整統論不回居官五十年強平家居懸琴囊馬當事造請未常干以私于地方利弊無不言談經講藝汲引人才惟日不足所著有湖南講行進

易繫詞講治安策仕學錄

錢受益

字謙之武肅後裔天啟甲子舉于鄉乙未成進士選庶吉士授翰林院檢討主湖廣武擢官論

晉宮詹受益少自修飭工制舉業自讀書中秘後益醇謹簡默退朝之暇間取國家掌故反復研究思勤成一書主楚試稱得人一文入朝病不能言同官吳太冲躬掖之出朝門與歸邸舍而卒卒之日家無餘財孤孱弱幾不能自立太冲為草疏言官官受益歷事兩朝最承隆遇孤身子立清廉自矢宜有惟益以慰幽冥并為其孤泰彙上疏訟之事聞贈禮部右侍郎

傅佩

字朝鳴號虛巖嘉靖乙未進士為興化令興化斥鹵煮海軍民雜錯而軍與鹽之家于市非者九奪

民田民通租逃去佩曰吾為之令而民創懸不如無令三疏陳列極言流離無告狀上是之還其所擻政成召拜兵科給事中有頃上念豐沛思還省藩邸擇可與朝議推佩明年駕幸承天佩扈從武定侯怙寵

錢塘縣誌

卷之十九

人物名臣

三

驕恣不可法佩上書言勲胄放肆無人臣禮非國家福請亟罷之忤旨奪職還里佩為人抗直議論烈烈無少媿媿態家居二十年莊皇即位詔進太常少卿致仕卒

錢有聲

字式韋甫生時父華已登第官儀部有聲少隨宦習知朝家掌故及藩使往來儀注後天啟辛酉貢于鄉官鴻臚丞長身玉立風度挺然每大朝會

公卿多倚為表式會璫談日熾從兄大學士文貞公諷臺省交章不報旋引疾有聲毅然曰兄師臣體應爾予末僚何憚斥言連詣登聞上疏皆留中遂決策拂衣懷宗即位詔起有聲充冊藩使賜一品服晉秩鴻臚少卿歷海嶠還奏稱職尋黨局焚起有聲一無所麗以母老乞歸生平氣節自命居鄉嶽嶽惟日與湯煥明綱為翰墨交他無預焉士論躐之

國朝康熙年以孫驊官恭遇萬壽單恩加贈正二品驃騎將軍

楊廷槐

字祖植號元蔭萬曆二十三年進士初仕得浮梁縣其民多治陶為業大吏徵佳甯輒拒之邑

多盜槐捕治不遺餘力擢比部郎直妖書起槐持論侃侃保全甚多分校禮部以金事備兵閩海有洋販勾外番者立置之法兼公者中以計典左遷榷判星滯兵徐淮首闢駱河達漕艘以選兵徐州雲山及州五府條上六堂收十不徐不改之沛邑焚劫勢恣橫槐悉接治明道大不堪乃指疏自理竟削籍歸山是直聲著于朝野崇禎初起復原職時睢寧被水槐堅築堤停課歷陽復為壯縣調參江西尋陞湖廣按察使槐遂致仕家居種蔬輯園不事干謁遇地方大利病如論積貯議救荒維士風皆媿媿數千言上之大吏卓乎可傳見王思任墓志

國朝

姜圖南 字滙思號真源以山陰貫中崇禎壬午順天舉人 國朝順治己丑成進士改庶吉士旋出為

錢塘縣誌

卷之十九

人物名臣

三

御史茶馬關隴鹽漕淮海皆嶽嶽著名已轉外臺巡江右河南不得行其志而卒圖南性豪邁重然諾愛賓客所至車馬輻輳其為御史也所至釐奸剔弊民獲更生巡關隴吳三桂為平西王驕恣不法圖南廉得其狀露章奏之力言尾大不掉恐為異日患三桂氣索大將以下咸惕息至門謝過萬里之外知有朝廷圖南力也為忌者所中轉外臺上司多挾貴陵折之圖南不肯屈下遂病告歸未幾卒圖南詩古文詞縱橫自喜高簡傑異似其為人存有客堂諸集行於世晚復悔而焚之圖南死子窮困幾不能自振然言順治時言官未有過於圖南者

胡亶 字保林號勵齋仁和人明洪武中始祖以軍功受世職調仁和右衛已籍錢塘順治丙戌舉於鄉已

升成進士選庶常授編修

世祖章皇帝特簡詞臣才望素著者任監司乃出亶為江南布政司參議備兵常鎮亶下車聞防某某為三當路莫敢問亶盡得其奸惡狀具論治如法江盜

起株連不已捕使按籍鈎索亶曰亡命之口害及無辜與緩須臾死耳堅不肯發或危言中亶亶曰殺人媚人吾不爲也卒力白之已亥海寇入犯亶屏驛從佩弓韃力保危城海賊遁去召入爲鴻臚寺卿除年進通政司右通政後以弟襄病逝遂援獨子例乞養不復起亶持身嚴正居鄉不以寸贖干官府邑有利弊卽竭力爭之事父母以孝聞撫姑姪女如已子與張恭人白首相莊室無妾媵絕他嗜好惟經史自娛於天官尤精核卒之日母太夫人尙在無他語惟握母手以遽離子舍爲恨纔年五十有七

### 項景襄

字去浮號眉山先世汴人徙杭居錢塘江許順治辛卯舉於鄉壬辰成進士乙未廷對改庶吉士補檢討已陞侍讀侍講學士左右少詹內閣學士兼禮部侍郎陞兵部右侍郎而卒景襄爲人長身皙面儀觀偉然及爲翰林日夜淬礪屏棄嗜好究心掌故屢沐

兩朝恩寵及入內閣叅贊密勿及副兵樞教然有爲時烽燧雖息而瘡痍未平凡國家有大建置定謀決策天

## 錢塘縣志

### 卷之十九

人物名臣

三

下想望其丰采已未夏刑部上疏請改五流之例應徙邊者無論遠近戍烏喇烏喇去遼陽萬里苦寒無入之地

上下其議景襄力爭曰五流非死法也今戍烏喇卽無生理豈

聖天子事耶

廷議不從是年京師地震有詔修省景襄又言烏喇事九卿仍執前議景襄復言不可

謂絞罪止及其身今不分子弟同居畢徙之主是議者其無後乎卒從景襄言山東瀕海多捕魚爲業東撫議凡駕大航出洋者罪以通海景襄曰山東與內海不同江浙海寬無礁易泊山東一望滄茫無蟻舟地止經奉

昔沿海一帶許民捕捉船許容二百石海船非蓬桅不可

行今奸吏舞文以此羅織愚民僅博衣食而乃設陷阱殺之乎由是皆免且定爲例時聽競贖難民或有以病棄中途者親屬以爲請有司勿敢從容兵部景襄曰旋師棄俘一經申部動延月日其人已死矣自



今令地方官查明發還不必申部至如溫台百姓三十九家來京願其子女既有印給是良民即宜放還不當取其身價又從其言景襄遇事敢言有大臣風節適以疾卒

朝廷歎息以不盡其用為恨命大臣馳賜乳酒及祭景襄素印人龍祥士戊午

詔舉博學鴻儒文行兼優之士景襄疏四人杭處士應撫謙關中李應篤尤知名

嚴沆字子餐號顥亭明太常卿大紀孫贈侍郎武順子也自為諸生已著名及順治乙未成進士為庶常

世祖章皇帝輒賞之遷兵吏二科給事中擢刑科都給事

中凡詰戎飭吏理餉詳刑重選學臣申飭夫役請撥實法以給軍需明立限期以核關差至慎刑獄則請明法司職賞定憲章則請刊會典成書其疏鑿鑿可

朝廷多採用之協理京察值秋審贊議平反多所寬宥請假復補吏科都給事今

上即位沆又請解有司被參之任杜督撫委卸之端銓部

錢塘縣誌卷之十九人物名臣三五

之陞轉不應概同五部職官之遷授不便在籍候憑至大僚之宜澄清滿漢之宜畫一尤三致意焉補太

僕寺少卿擢都察院左僉都御史宗人府府丞轉都察院右副都御史五旬三遷人皆以為榮一年擢總

督倉場戶部右侍郎時滇黔叛逆以糧餉為民命所關悉心籌畫遂得疾卒

上聞嘆悼賜祭葬沆性至孝友以贈公早卒事母江太夫人色養備至所築臯園寓臯魚之意也弟渤早卒終

身念之待同祖兄弟如同懷待猶子如子少時馳譽所交皆耆舊英傑喪亂以後奔走周零咸依以為命

家素貧後貴所得俸錢宗黨之外盡以周給朋友主考山東所拔皆奇士齊魯間稱得人子曾集甲辰進士官至都御史另有傳御

顧豹文字季蔚號且菴孝子大觀仲子少以才名稱讀書能記他生之所習遂愛知於學使者劉

公麟長補博士弟子申酉之交四方多事絕意進取與朝定鼎遂復學順治甲午舉於鄉乙未舉進士除河南

汝寧府真陽知縣河南經流賊蹂躪人民流亡他所  
真陽城僅彈丸殘壁廢壘蒿長十丈豹文慨然曰是  
豈不足為政耶招流亡慰疾苦民稍稍集初慮囚釋  
其輕繫者數十人有重罪二人豹文欲為平反吏持  
牘爭曰是不可赦豹文駭然曰視爰書囚固當死然  
新朝除亂已與四海更始何成案之有遂立釋之真陽既  
多逃亡鹽引不行商販髮足豹文於津亭水口各立  
鹽肆以招徠之仍定其值不許抑配民以為便邑故  
無學宮儒官寄居民舍乃建學宮立先聖先賢位命  
學者朝夕游焉邑為黃叔度故里又建叔度祠率諸  
生拜之曰此邑中表率也諸君獨不能為繼起者乎  
邑士故粗獷稍稍信服乃設文會羅諸生毀最之徐  
語之曰士當為民倡今胥吏輒云積欠由苛矜所致  
諸君獨不自愛乎諸生成唯唯當是時汝寧循良吏  
首推豹文初至真陽戶不滿數千期年戶乃盈萬

詔取循良豹文與焉抵京

章皇帝召見行取諸臣於西苑試論策諸臣以次進對閱  
豹文名曰好好科道係耳目官今得其人矣遂以是

錢塘縣誌

卷之十九

人物名臣

三

日擢臺班第一疏稱五刑之輕全家繫縲宜廣上天  
好生之心罪止本身器其連坐又疏稱七十以上十  
五以下概從周內實可矜憐伏乞原情定律使無知  
老幼得遂生成則天下咸知

天子

之仁又疏稱發旗各犯開令收贖又疏言鹽法壅滯  
宜明勅地方計口定額度道里遠近以酌食鹽之便  
否豹文切直敢言時時上疏言事疏上或當

聖旨

即行或未即行已而竟行巡視東城豹文為人疆力  
善刺割為御史發奸摘伏應機而得三輔畏其神明  
莫敢犯法尋出巡湖北察即襄川蜀諸賊多竄伏谿  
谷穿穴數省乃圖其出入諸徑求其要領所在在在  
嚴營堡逼其巢穴賊始不得滋蔓疏捐漢安荆襄鄖  
等州縣未完錢糧以及無征額課民困始蘆又察湖  
北水利莫要於安陸有蘆洲堤墜久北潛沔歷年  
被滄豹文言安陸水患一彈則荆漢等郡之承其下  
者免淪溺矣遂督州縣刻期竣役湖堤屹然首尾完  
善豹文之力為多云又題免所屬災傷建義倉一百  
四十餘所值大計豹文以勸懲大典當以賢不肖

劣為斷近日掛名白簡多以微官無氣力者  
如左轄某以文章見推而短經濟監司某以勳  
用而乏幹才皆露章罷其官巡視御史楊斌  
楚豫交之邪教竊發者斬李龍鳳劉福等於市而赦  
其無識誘脅者賊遂以平豹文為政皆以精明強固  
之才寓寬大和平之用故吏民始憚其嚴而終懷其  
德未幾撤巡按

音下聞

命卽抵京師旋以省覲告假歸里居兩年再入臺班參撫  
臣三人皆服其公不敢怨遭內外艱引病乞休時年  
僅四十有九既營父母宅兆得城北故葛氏廢園乃  
芟薙荒穢建小樓樹叢木閒與二三老友嘯傲倘佯  
商畧經史名曰願園家居幾三十年登眺湖山觴咏  
泉石追白蕪之遺風舉洛社耆英之故事未有如豹  
文行樂之久者性節儉一裘一葛率以為常盤餐適  
口而止自歸田後未嘗一出里門賞顯有折簡來招  
者終不往喜聞人善於後進才人吹噓獎借必欲使  
伸眉睫乃已戊午春

### 錢塘縣誌

### 卷之十九

人物名臣

二十七

天子詔求博學鴻儒才行兼優者備顧問大臣交疏之以  
老疾辭患噎屏去藥物曰吾病已成非草木金石所  
能救疾革自作誌銘銘曰物必趨於盡兮理固然也  
曰舍故而就新兮吾無以與乎其間也惟委順而遷  
化兮斯今古才不才之所共安也銘者誰願子  
某自言也其曠達又如此蓋卒年七十有五

### 趙吉士

字天羽號恒夫以仁籍登順治辛卯鄉薦貌

魁梧奇偉筮仕山西之交城縣縣居萬山中連綿千里地僻而險明末羣盜盤踞其中吉士至縣卽  
閱武於郭南申明保甲團練之法潛相蹊徑險易等  
奉檄進勦先九日置酒張樂於城隅越宿復進賊從  
剪燭賦詩密誠司更者促籌於子刻五鼓起進各出  
郭卽疾行四十里饗士卒於水泉灘別為三隊並進  
人兩葫蘆川據三坐崖賊鳥獸散先後獲  
人餘黨盡降旬有六日交山之寇悉平關高雉山通  
水道出龍門漑田十萬四千餘頃治邑在  
宮建譙樓立義倉設書院修縣志次第具舉又討賊  
令種柳於清源文水間東西延袤四十里夾道垂蔭

行人忘暑號曰趙公柳去官後從祀名宦巡撫上其  
績徵入為戶部郎旋推關揚州益華積獎行旅權所  
任滿還部奉監督倉糧充會典纂修官又編輯鹽漕  
二書

授戶科給事中慷慨直言疏凡數十上俱載奏議中既而

命勘河凡地形水勢堤閘民情疾苦悉無遺

上霽顏聽之無何以籍貫註誤降補國子監學正遂寓隱

於宣武門之西日寄園以著述終老有奏疏序論書

記十二卷交山平寇四卷音韻正訛四卷詩詞共數

十卷年七十九而卒子三人景從仕至濟寧道景行

舉順天丁卯鄉試補中書性至孝仕三月即告歸奉

母於西湖之濱孫十六人繼抃成巳丑進士

盧琦字景韓父之斌贈如琦官斌卒時琦方五歲母劉

士弟子員庚子登賢書丁未中會魁選庶吉士散館

授翰林編修請告歸養優游里門者五年寅卯間三

藩變亂母劉促之入都曰

至尊宵旰非臣子偃息時也入都補原官旋陞右諭德丙

辰分校禮闈所得皆一時知名士歷遷左諭德左右

庶子侍講侍讀學士詹事府少詹事

日講起居注官纂修實錄明史皇輿表繼修

政治典訓  
平定方畧充總裁官琦學問淵博文章典雅尤精史學朝  
章國典熟悉周知詞林推為領袖辦事勤凡所分纂  
常先他人而成天性恬靜一切營求奔競之事皆恥  
為之凡有遷擢安於循資平進  
天子屬意嚮用丁卯春特擢內閣學士既入綸扉感荷  
特達之知精白一心參贊密勿知無不言門無雜賓應酬  
罕牘一切屏絕公望翕然會前所奉大吏某被劾牽  
連落職琦不自明單車歸里時年五十有三遂絕意  
仕途惟朝夕定省娛侍其親不須吏雖與其子弘  
熹等講說經史訓課藝文嚴飭僚僕不預戶外毫髮  
事足跡不至公庭門生故舊有在要路者未嘗過一

錢塘縣誌

卷之十九

人物名臣

札

南巡琦迎

鑿至無錫

上曰朕多年不見盧琦可上前來琦俯伏陳謝

上甚悅隨

駕來杭召至

行宮賜食賜

御書常曰

聖主如天之恩無可酬報惟望後人世守清白無忘

國恩而已執母喪哀毀盡禮每遇忌辰悽愴竟日待其兄

親愛兄璉歿於任所通累甚多為之極力經營父執

友王羽臣三喪未舉竭力助之琦性恭潔不取世資

故官登三品而家產不踰中人粗

衣菲食處之泰然年七十二卒

高士奇

字澹人號江村世為浙之餘姚人曾祖見靈祖

郡博士弟子入太學為國子生釋褐詹事府錄事改

內閣中書舍人擢翰林院侍講遷侍讀左右春坊左

錢塘縣誌

卷之十九

人物名臣

三九

右庶子再遷侍講學士充日講官起居注陞侍讀

學士歷詹事府正詹事而以春官卿終於家初士奇

在太學以書法應詔試第一試詩賦復第一供奉

翰林院久之

上察公忠誠召入講經殿中士奇每進講輒敷陳大義

附以啟沃自是屢承命入直大內賜第苑西士

奇自以不世知遇事

上益謹上亦益鑒士奇忠謂可大用時

上留意翰墨天文有作必命磨和輒拜手立成於是

上思文學侍從之臣得盡如士奇者以備顧問遂詔

舉博學宏詞時士奇直南書房矣更應制以詩文

獻當是時試者二百餘人擢官翰林者五十人皆儒

學文章雋賢偉異之選士奇獨承殊恩賜宴太液

池士奇為人英敏擅經世才及臨事乃更祗懼貌謹

厚言無文飾直陳肺肝故凡進對多蒙

上可退未嘗言所言於

上者人或問之必曰

上聰明神聖事皆先知非小臣愚昧所敢參末議也

起居注以文學進講讀外不知其他及纂錄 頌賚優異 詔曰爾勤勞獨甚諸所賦

上特未嘗出而言於人耳士奇在館職講易詩史記漢書

本朝聖德神功碑 大清一統志政治典訓諸書高文典

及 喇虞村望祀長白山輕裘騎健日數百里率以為常

駕西征 東巡河上南至於江浙皆以士奇從由是忌者

上察其忠不許請之力乃許之既歸念士奇不置歲有詔

御製詩有故人久別之句士奇跪讀捧泣已而 詔入朝

大類有喜 命居舊所賜苑西第其明年奉

### 錢塘縣誌

### 卷之十九

人物名臣

三

駕親征噶爾丹士奇日夕蒞事不稍懈師還道陳母病乞

上為惻然改容抵京師疏入可其奏未幾即家陞禮部侍

章駕時巡士奇扈 蹕入都 詔入暢春苑翌日辭歸賜

上手酌卮酒飲士奇士奇感始終遭遇之隆至於泣下

御製詩寵行而士奇望闕思親之情不勝眷戀道得疾遂

上為哀悼 詔尙衣監臨其喪賜金八百兩祭墓皆踰常

典士奇博通經史尤長於著述所著書若講筵緒餘

春秋講義毛詩集解左傳紀事春秋地名列國君臣

駕所至有東西廡從日錄塞北小鈔登岱茶紀松亭行紀  
退食當湖有北墅抱甕錄江村銷夏錄歲時彙編  
西閒居讀書筆記所撰詩文有隨輦城北苑西歸田  
獨旦清吟竹窻諸集共數十種計不下三百卷自

直訖家居前後拜賜予靡問歲月

御書卷軸共若干有曰忠孝節義有曰忠孝存誠有曰衣畫錦有曰簡靜有曰清吟堂至所賜服御珍饌藥餌等不可勝載其母夫人俞年七十餘

上屢賜存問賜藥物 詔其子翰林院庶吉士與即家食編修俸奉其祖母尤異數也戊子

南巡賜謚文恪 上為親書卒年五十有九

汪霽 字朝采號東川父樸 霽幼而穎悟童時讀書數行俱下一再過終身不忘十歲為文操筆立就才氣

橫溢不可一世為童子試冠軍是年即受知學使者補錢塘學生年二十授徒里塾家素貧無一畝之田

食指數百米鹽凌雜皆藉館穀以給饗食壬子歲以第三人中式丙辰會試登進士第起家行人司行人

戊午 上命內外大臣薦舉博學宏詞沈公荃以霽應

詔已未春 召赴體仁閣下試塘璣玉衡賦省耕詩

### 錢塘縣誌

### 卷之十九

人物名臣

三

欽定一等第四名蒙

恩改官翰林院編修纂修明史霽分纂志傳二十餘辛酉典試陝西時同考多高年者閱卷不盡悉自取閱之闈牘四千餘無一遺者榜發皆孤寒知名士甲子秋遷右春坊贊善霽俸次居後以原銜充

日講官起居注戊辰三月 殿試讀卷霽適侍直時諸大臣皆以高年日昏燈下不能

雜誦 上顧霽命至案前以次讀畢音節宏亮舉止舒徐天顏有霽隨舉試卷中旬稍縣都黨庠術序為問霽悉舉

以對隨獲學問優長之目越數日 上御門事畢

諭霽且留從容問家世及科第甚詳 上笑曰是沈荃所取士乎又詢父母存歿霽以父母俱存

年皆七十餘對已巳春 上省方南巡江浙霽以講官扈從在途蠲免錢糧及一切

上諭多出霽撰擬 駕至杭甫駐蹕即命霽到家省親且令住家中三日再赴

行宮辦事處從還京值會推祭酒引見遂蒙超擢太學  
學陋規盡革除之其在成均以弘獎風流爲任季有  
試月有課甲乙不稍假時

上右文所開書局甚多

命總理通鑑綱目講義進呈輒蒙  
獎賞明年遭父母喪廬於墓次謝絕人事哭泣哀毀三年  
如一日經營窳窳盡禮庚辰

上召詞臣至澹寧居試

皇太后萬壽無疆賦賜霽

御書臨董帖字一幅癸未秋補授翰林院侍講學士隨轉  
侍讀學士甲申春奉

旨以原銜充日講官起居注纂輯

方畧不數月成書六卷進呈稱

旨陞詹事府詹事旋陞內閣學士兼禮部侍郎仍兼管詹  
事事

召赴西暖閣甫就跪

上卽命坐曰欲與爾言甚多恐爾不能久跪可就坐

### 錢塘縣誌

### 卷之十九

人物名臣

三

顧問移時始出乙酉春

上南巡大臣皆扈從在閣辦事者止霽一人後大學士吳

公典以病不視事擬票無人

行在既遠啟奏往返動須旬日恐誤三日封本之期閣中

票墨批殊皆出一手同列皆嘆服以爲才大不可及

也編纂佩文韻府成陞授戶部右侍郎郎

諭仍兼正詹旋

命纂輯佩文齋歷代詠物詩戶部素稱脂膏之地霽一塵

不少染指所親有笑其迂者曰公雖不取適以飽好

胥之橐耳霽正色謂之曰吾受

聖主殊恩愧無尺寸之效可以仰答高厚所以潔已者非

爲立名地祇期不負

君父不慚衾影此外非所計也八月主順天鄉試入棘後

與副主考贊善姚公某焚香告天誓以精白虛公不

負任使至意晝夜閱卷目不交睫者幾一月榜發論

者謂其明且公與主奉試時無以異而得士之盛過

之次年  
殿試讀卷時



上語諸大臣曰汪霽學問甚優去年鄉試所賂請託致可  
信其必無丙戌捷官者三人今已丑復得二十  
二人會試榜首以一甲第二三人皆是科所得七  
也歸後杜門說不與戶外事惟日課子姪讀書  
或遇春秋佳日乘輿出遊兩峯三竺間把酒賦詩悠  
然自得見者不知其為貴人也丁亥疾作爾留之際  
但云

國恩未報無一語及家事卒年六十有六霽軀幹豐偉音  
吐宏暢性伉爽與人交不設城府然和藹近人雖處  
貴顯不立崖岸人以是樂親之其弟之子成祺正祺  
性孝友善讀書工詞翰霽嘗稱之曰  
此吾家玉樹也相繼早卒時論惜之

裘克美 字大文號敬亭儀觀秀偉少有文譽第丙辰進  
士出中書考選御史居官清介有風節巡視兩  
淮鹽漕兩淮數釐差第一不必脂韋而循例取贏動  
輒數十萬計人共斂美之克美至盡革陋規不名一  
錢商人德之家故饒貲父居京師擅陶猗名而克美  
刻苦澹泊矢操冰蘖禁餽遺絕宴會蕭然一室凡幾

錢塘縣誌 卷之十九 人物名臣 三

帳飲食豪奢之具揮斥迨盡時新立湖口關往來商  
賈困焉克美力言不可請徹之權使齟齬共相奏揭  
卒罷官去自登第歷官廢其先人遺業  
後人遷居吳門子巖生北直武清知縣

凌紹雯 字子文號止堂本仁和亦徙錢塘父克充博學  
多文醇謹誠篤隱居教授紹雯生而穎異甫三  
歲母朱口授毛詩便能成誦稍長貧不能延師父親  
授四子六經進解大義無不領悟後受徒教學肆力  
於子史秦漢唐宋大家之文窮流源士羣推領袖  
焉丁巳登賢書計偕北上貧不能歸遂館京師戊辰  
捷南宮

殿試時能以  
國書對策

上閱卷嘉獎

欽授翰林院庶吉士辛未二月散館授翰林院編修充  
三朝國史明史纂修官教習庶吉士陞國子監司業仍充  
纂修官共校

平定沙漠方畧已卯主考四川閱卷公慎陞左春坊左中

允充

日講官起居注  
上顧近侍曰此漢人中第一人也乙酉復典陝西正主考  
命 校閱更嚴於在蜀時復

上問秦中吏民年歲豐熟穀價幾何一一奏對又問此差  
至秦中地方官曾有饋送否紹雯奏言除途中費用  
約有千金

上曰寒士得千金可以數年支用矣

恩出陞翰林院侍講轉侍讀陞詹事府左春坊左庶子掌  
坊事屢遷翰林院侍講學士詹事府少詹事仍充  
日講官起居注內閣學士兼禮部侍郎紹雯為人濬介自  
守自庶常以至閣學不攜家累至都止寓居翰林院  
官署所乘止一羸馬老僕三四人衣服浣濯者數十  
年不忍棄飲食菲薄自甘不妄交遊閉戶讀占人書  
兼授二三生徒性嚴毅寡言笑不輕然諾燕居危坐  
一室臨事介然不惑年七十一卒於官郵典  
欽賜諭祭馳驛歸里門鄉里榮之

錢塘縣誌

卷之十九

人物名臣

三四

傅感丁

字兩臣號約齋戊子舉於鄉公車北行夜見一  
金燈前導同行者異之壬辰登進士授德安理

刑用薦擢監察御史歷刑科都給事疏劾江撫淮運  
河藩諸大吏論部臣議本以言官數千百言之章僅  
徃於無庸議三字阻敢言之氣又論銓政當先科目  
論教習尚嚴冒濫論督撫薦舉當首清廉而次才能  
論催科之猛皆碍於考成驛地之騷因疲於差撥凡  
所建言俱褒納出巡河東鹽政歸日惟琴書蕭然而  
已歷太常大理僉都通政

遂決意終老於鄉優游林泉者數年卒平生著述有  
易傳纂義古史集要古文彙編詳刑輯要奇疇野詩

楊龜

字靖調號西巖順治乙未進士授大名府推官

世祖章皇帝廉其才行取授戶科給事中

今上登極念邊郡軍旅疾苦乃以龜充  
兵甚古之龜至寧遠遂上言兩川自憲賦屠戮後

里無生人今以戍守之兵令其拋室置妻妻子以增  
虎狼之窟此非徒之實死之也古有踐更番水之制  
迭相轉調於法為便疏上

詔從之改吏科例降京職需次開

上特命以京卿俸管禮科事陞鴻臚卿尋轉通政使母老  
以終養得請既而母卒服闋復具疏陳哀老自是杜  
門却掃足跡不入公府坐卧一小室嘗曰人生幾何  
東墻之陰寸移寸減良可惜也巡撫遂寧張鵬翮夜  
詣其居見門巷蕭然僅一小童支戶扉雖  
致身通顯猶不改儒生之素焉卒年八十

### 柴望

字秩于號雲巖生而岐嶷年甫弱冠卽聯捷兩闈  
謁選得河南淇縣令時

王師四征過其邑者芻糧夫役部署咸當大同姜帥之叛  
河北震動望獨登陴固守城賴以全會豫省議開屯  
田撫軍以望賢能授彰衛懷三郡同知尋遷守江南  
池州其地瀕江多盜望廉獲渠魁置之於法其他大  
家富室盜誣入籍者悉取焚之有巡按衛屬望誣列  
石埭令罪狀望堅不從衛怒指為狗庇部議鑄一級

## 錢塘縣誌

### 卷之十九

人物名臣

三五

去任尋補福建運同力除藩商之害政者已而陞貴  
州貴陽軍民知府適水西四郡苗民新闢往往出為  
民害望立馬開諭莫不羅拜爾神君會艱歸服闋補  
山東萊州守除豪惡釋無辜賑飢荒興學校懾強將  
清墾田善政繁繁萊人感德及備兵甘山總理兵馬  
錢穀外嘗以機事往來萬里振武將軍孫公極倚重  
焉未幾觀察湖南滯獄一空遇有矜疑卽竟久不寐  
為囚求生既晉粵東方伯夙夜勵精奸胥斂手復揭  
溺職守令數人屬員為之振攝且開書院以弘文教  
嚴舟戶以塞盜源立法皆足為世師比以撫藩交接  
儀注不合決志投簪歸里後惟與親知嘯傲湖山怡  
情詩酒卒年七十有三葬邑大青嶺之陽子謙御史  
孫載庸乙酉舉餘皆  
明經文學能世其家

### 錢肇修

字石臣號杏山少孤奉母至孝學問淵博工詩  
年四十遊燕

輦下公卿皆折節與交登辛未科進士授河南洛陽令七  
載繁已愛民用薦行取出郭門百姓攀轅者數十

里擢監御史條奏積貯分建倉廩備陳錢法指參貪墨爲國家興利除害丰采卓卓巡視北城治獄多平反嚴懲奸猾不少寬假有優人倚勢豪橫當路側目肇修挺然執法顯貴胆懾直聲大振平居性恬淡不治生產公餘輒讀書著有前後出塞詩鈔槩園詩餘千里樓稿舟中雜咏諸集妻林以寧字亞清進士綸女亦工詩方宰河陽日衙齋蕭散薰爐茗椀則夫婦唱酬爲士林佳話有鳳簫樓集

王益朋 號鶴山初名聘領辛卯科鄉薦尋改名登乙未科進士時

世祖章皇帝臨軒策士朋對策洽

聖意擢二甲第一人選翰林院庶吉士散館改戶科給事中遷兵科密疏劾閩鎮馬俊寶逆狀請檻車致

闕下後俊寶以叛服誅朝士皆稱其能首發奸宄歷兵吏二科朋在諫垣最久言論卓然有黃門奏議轉京卿

會丁父喪服闋以病請告家居者數年復入都補太僕寺少卿一夕與客談笑間忽疾作而殞身後棺衾

俱不能辦其立朝清介可知矣方朋爲諸生時讀書

### 錢塘縣誌

### 卷之十九

人物名臣

三六

海昌偶道出臨平夢身幻龍螭騰躍雲雷與史載李衛公行雨事畧同固知其非常人也

邵遠平 號戒山初襲舅氏吳姓名遠登康熙甲辰科進士選內弘文院庶吉士散館後改戶部主事奉

命督漕運充國史纂修官修世祖章皇帝實錄壬子順天同考一時名人咸出其門轉

戶部正郎除江西提學修葺白鹿書院大典文教各郡皆有碑記時滇逆煽亂軍興旁午遠以儒臣兼理

軍芻其才大有過人者內擢光祿寺少卿舉博學宏詞科仍授翰林侍讀與修明史辛酉典試廣東陞春

坊庶子充日講起居注官轉翰林侍講學士陞少詹事侍講學士與

大清一統志尋致仕歸遠高祖經邦仕明世宗朝抗疏議

大禮廷杖謫戍子康生上書訟父寃得還職時稱忠孝萃于門經邦子戍所著弘道弘簡弘藝三錄遠

歸田後息影湖庄杜門絕客著續弘簡錄四十二卷晚年著述甚富自作年譜畧叙出處數大事尤篤族

詔宦歸日出千金予族人置腴田以供祭祀鄉人皆稱之遠屢典文柄再入承明迴翔翰苑數十年時人方之馬融張華

今上賜

御書蓬觀二字稱其職也四十錫蔭錫榮錫章錫光並有文名章光同登進士武林舊族代有聞人邵氏稱極盛云

顧祖榮

字山容號復齋為甲午舉人蒲縣令隸銓之子登癸丑科進士選翰林院庶吉士留館授編修

丙辰校士禮闈稱得士歷春坊贊善遷講讀奉

命修平定方畧一統志唐類函諸書加講讀學士轉詹事

遷內閣學士兼禮部侍郎榮歷踐清班居京邸門不施箔以蘆席蔽風雨每食蒸豆一器飯一盂而已性至孝雙親在里累欲請告終以父命而止聞母喪徒跣行國門哭泣感動行路終以哀毀致病卒有遺疏云八子老父未遂終養君親兩負死有遺憾聞者傷之榮善讀書精西銘皇極之學目披手抄終身不倦

錢塘縣誌

卷之十九

人物名臣

三七

書法其餘事也子寧繩已卯舉人有文名

嚴曾渠

字方貽號獲菴戶部倉場侍郎沆之子曾渠少隨父任入太學登丁酉科鄉試甲辰成進士授

翰林院庶吉士改廣西道監察御史歷臺諫二十四年不茹不吐多所建白每章疏入內外悉畏憚之有伶人某冒籍入費銓選得知縣曾渠以縣令民之父母不可以梨園恣睢民上特疏極言而某方倚藉權要左右代為彌縫曾渠幾蹈奏事不實之罪賴

至土

聖明廉得其事立罷斥某而嘉其風節累官至通政

使時湖廣督撫相參許下部議巡撫再呈疏辨曾渠以封疆大臣不能同寅協恭今已發部議宜候處分而乃更相訐訟不聽上擢都察院副都御史先是父沆莅此職曾渠復踐其位談者以為自明迄今父子相繼為之者僅兩見而已尋奉使祭北嶽山右

朝廷

威德諭所司加意撫綏民乃服晉官兵部侍郎而卒

累籍貴仕而家無私積其汲引人才推獎後進唯恐

不及以故俸祿所入多不給而數與朝服會親明爨  
杯瓦器飲酒賦詩意豁如也卒之日柩不能歸僚友  
故吏下至貧胥賤卒皆涕泣  
致喪賻或典質以辦生芻者

**裘充珮**

字次章壬子科順天鄉試副榜歷仕至光祿寺

部曹郎各有專責預定截取之法使朝無曠職如論  
錢法嘗清鑄私之源而行使之人不當從重擬在刑  
科尤審慎詳明凡有陳奏

上必允行

御試瀛臺直陳時事

欽定第一奉

命典祀南鎮挈法書名繪以行所過江山勝蹟著為

題詠珮以政事兼能文章卒之日朝野惜之

**翁祖望**

字渭公少從學於舅氏梁國成之門國初開  
科即與國成同魁浙榜已丑成進士初授內府

中書舍人邀

覃恩封及其父大椿望遂賫軸假省適有司禮延賓飲錦

錢塘縣誌

卷之十九

人物名臣

三

衣環侍鄉閭稱榮旋起拜監察御史巡視宣大有武  
紳素橫不法凡省方者至多陰為其所脅望獨毅不  
為惕甫下車即首疏以劾朝野震悚然卒以此失左  
右歡政成量授為文選主政銓次肅清久之調考功  
員外郎同時皆早居顯要而望猶頭白為郎不勝馮  
唐之感遂乞歸里家居杜門惟日課弟姪讀書以毋  
墮家聲雍睦之風至今為世矜式有二子長必  
達歷官郡丞所至有能聲次必遂乘鐸象山

**龔佳育**

字祖錫號介岑起家龍驤衛經歷知安定縣用  
薦入為戶部主事歷兵部正郎遷山東按察司

僉事分巡通永以政績聞特擢江南布政使內遷太  
常卿改光祿卿育歷中外數十年並居錢穀要地而  
育以清介著游京卿才二年

朝廷方欲大用育亦願盡瘁以答  
主知乃竟以勤勞卒朝野咸稔其才而猶惜其才之不盡

展也育為令清逋賦在戶曹謫浮糧任通永日除紅  
斛重稅抑伶人驕橫立執詐勅預捍強兵及治江南  
財賦墾田至三十六萬餘畝百世享其成而萬姓蒙

其惠所謂

國家收用人之效者有不魏焉子翔麟為御史立朝兩直  
聲讀書萬卷則育  
之家學又可知矣

汪煜

字寓昭號平齋先世新安曾大父臯謨遷錢塘父  
賡順治辛丑進士煜少好武挽強控馬磨方過人

後折節讀書閉戶絕迹家多藏書校摘無遺義行文  
兀傲自成一家言工詩閒淡古雅康熙乙丑成進  
士授貴州鎮遠縣縣故古大川溪洞多苗民難治煜  
撫馭有方帖然不為患興文勸義州民頌之戊寅遷  
吏科給事中掌登聞鼓院在職未久前後疏凡六上  
其大者條陳河工有造于淮淮民至今尸祝焉他若  
慎選學臣引見題補諸疏不避樞要號稱敢言煜初  
席豐饒以銳志學業不問生產家遂中落及官黃門  
無擔石儲死之日同官助殯時方倚重乃稽察錢法  
之

命下而疾亟矣所著有同岑草願學堂  
集南歸北征錄及平齋偶存諸稿

錢塘縣誌

卷之十九

人物名臣

三

趙蒼璧

字晉襄號園菴九歲父景和殉節廣德亂兵中  
僕錢義負匿脫于難家貧力學事寡母勞以孝

聞補博士弟子文行日有聲從游者稱聖水先生康  
熙戊午舉于鄉壬戌成進士授楚麻城令單車蒞任

首罷圖差保歇諸病民事邑易輕生淫祀雉經設河  
二像立令役人毀之逮繫出郭村童扶其背忽其地

曰邑侯神君也吾敢不亟去爾奈何侮余民由是醒  
然知自愛戊辰夏逢龍倡亂全楚振動蒼璧以所治

當荆豫門戶申守議二十五條修城堡製砲石募烏  
鎗手復團練鄉兵為援儲米穀五千三百石有奇計

口散給以安民民皆自奮亡何漢陽黃州被襲偽總  
兵某犯林山河偽都督張漢一直趨岐亭勢張甚蒼

璧與家人訣曰勢危矣正臣子効命之秋也兄吾父  
死封疆而我亦嬰此變分也約緝民誓死守晝夜環

堞巡兩足潰瘡無所卹妻蕪氏同心矢死忠憤彌勵  
事平

上康得之特擢山西道監察御史時號敢言熱容減等例

以小滿後十日始至六月止蒼璧奏請延用

廣邀生全著為令考校所拔皆名俊

國家方柄用華以勞卒朝野皆之所著有詩經性理全解  
字義考訂西陵治畧巡城詩集等書及其樹堂文稿  
晚香亭詩稿長子萃奉樞南歸入會城治喪人皆稱

之子蘓芝  
並有文名

徐旭齡

號敬菴順治乙未科進士授刑部主事移吏部  
員外郎典銓政八年轉禮部正郎改監察御史  
號直言巡視兩淮尤多惠政陟僉都御史巡撫山東

上東巡得齡廉能狀

特命總督漕政

上親勞其行齡遂上等籌三便釐三害等疏凡遭侮視河賑

上命與齡議之為

朝廷倚重如此丁卯卒於官先一夕大星貫官舍傍計聞  
上震悼賜祭壑謚曰清獻齡先世居玉山父一鴻徙家錢  
塘仍授徒故里順治戊子山賊竊發鴻被害辛卯齡

### 錢塘縣誌

### 卷之十九

人物名臣

罕

往求父屍走邑之四都長號於途夕暝遇樵人止宿  
為言曾識鴻當求之西郵管平山中是夜夢父攜示  
死所且日間之毛廿八齡即戴星往有一媪見之曰  
君非徐先生子耶先生彼言於魯家倉齡拜之復行  
風雹大作齡慟哭絕壑間有虎突躍過忽見童子跨  
牛背而歌齡扣之引入茅舍一老父出齡曰丈人非  
毛廿八乎老父驚駭告以故乃指空林間土微掩處  
齒恍忽如夢所惡啗五指血沁之僅一綿衣裹之而  
歸鄉人奇其孝有繪徐孺子負骨圖者齡後歷  
顯為時名臣古云求忠臣于孝子之門信然

論曰率土之濱莫非王臣臣一也奚有於大小自聖

人以道事君之言出而大臣之品乃定顧必求其人

以責之則難矣夫聖人之指近而遠微而隱簡而嚴

不可則止蓋為季氏言之非專以責由求也他日語



定公不又曰事君以忠乎爲臣不易乎其刪書錄秦  
誓不又曰休休有容乎然則聖人亦聽人之自爲以  
合乎臣道之極而止特其間有際唐虞之盛焉有值  
時之不幸焉故曰難若夫臣之大小不一則其名亦  
不一在一邑有一邑之名在一府有一府之名而蒞  
封疆之重歷臺省之尊則名可及於天下使非智足  
以造謀才足以集事忠足以勤上惠足以存下其能  
流聲實於天壤乎然徧州遠邑求名實難而公孤卿  
尹一言可以造蒼生之福興萬世之利其致名尤易  
宜乎爵位顯者其功名遠也余於新舊志考  
本朝得人之多遠軼前代可謂盛已雖然鄭俠以安上門  
監而上流民圖陶魯以新會丞而能以三百人破大  
藤賊豈不係乎其人哉雖古名臣何以加諸